

أَمَك يَا ابْنَهَا      ماتت من حزنها  
وِينك يَا بُو فَاضِل      ما تحضر دفنها

مجروحة گلب واعله الدرب صارت تتاني  
عد شاطي الأمل خوف ووجل كانت تعاني  
شوگ الينتظر مثل الجمر ايعد الثواني  
وأَمَك يالبدر تگضي العمر بين الأمانی

مجروحه ابوجدها      من غابوا ولدها  
وابدور الكوامل      ما تحضر دفنها

ناعيكم وصل لمن نزل أرض المدينه  
طلعت معوله ابهاالمعضله الحره الحزينه  
صاحت يا بِشَر راعي الخدر والينه وينه  
شاف الوالده هالفاگده اليوث العرينه

وابنار المصيبه      تتلظى الحبيبه  
وبيها الرده نازل      ما تحضر دفنها

شيصبر الگلب فگدك صعب يا أقرب الناس  
عد ذكرك يهل دمع الثكل ويهيج الإحساس  
تصرخ كل وِكت وِينك يالرحت عني يعباس  
آني ابغربتي وهم لوعتي يا رفعة الراس

مألومه ابصدرها      مفجوعه ابگمرها  
دمع الحسرة سایل      ما تحضر دفنها

أمك يا ابنها ماتت من حزنها  
وينك يا بو فاضل ما تحضر دفنها

موعدھا دنه وغاب الضنه اليغمض جفنها  
بفراش الردى متمدده ابجمرة حزنھا  
چا وين الأهل وين البطل يمسح وجنھا  
وين الأربعة بالمعمعه ما تدنو منها

آساد الغوالب الأربع كواكب  
والكانوا مشاعل ما تحضر دفنها

حرمه امضيّعه اليوث أربعة الهايه اذخرتهم  
من حل الردى متفقده بس ما لگتهم  
صاحت يا علي يا موئلي للطف ردتهم  
بآخر ساعه لي احضر يا علي للحره أمهم

عافوني الحبايب صرعى اعله الترايب  
وأهلين المراجل ما تحضر دفنها

وافاها الأجل لمن اجه المحتوم اليها  
حضرت فاطمه ونزف الدما باين عليها  
ونادها الحسين امن الوتين وخف بجيها  
ايكلها امن النحر أم الغمر لازم نجيها

وفيتي ونوافيچ ما ننسه أياديچ  
معقوله الأفاضل ما تحضر دفنها